

五
峯
遺
稿

五峯遺稿卷之十三

詞

六十感懷

老子婆娑美韶華今年已周六十短髮蕭蕭人道是
比舊依然尚黑半世辛勤危機歷盡惟有心還未故
國歸來且把光陰愛惜細美得失古往今來英雄都
老盡何曾留一傀儡場終邯鄲夢覺兩郡風流回首
記當年尚留聲跡浮生若夢且醉一杯春色

壽陳秋林八十

白苧涼多寶燭香細隔簾輕逗微風晚來無事和月

度歌鍾為恐海棠睡去憑闌處銀燭燒紅功名事從
頭點檢一枕夢魂中才華直絕代胸中丘壑筆底雕
虫春愁如海等閑不上眉峰老去風魔猶在錦楓高
樂事重重聞驛社也曾着脚

少年叢

送章方伯入覲

十年烏府闡才猷華髮未盈頭天教小試調元手台
垣裡敷政優游爭看福星一道清光正燭南州
九重玉帛會諸侯冠蓋去難留此行直上麒麟殿姓
名香應煥金甌千載明良相會濟川勲業終收

雲山采藥圖為葛元兆作

白柄長鑱烏藤短策深林采藥閒行天教老健步履
近來輕為訪靈芝瑞草端不為艷質娉婷寄聲報洞
中仙子不用笑相迎穿雲還度嶺逍遙物外自足怡
情又何須紛紛逐利爭名步入白雲深處喚山童旋
斲松苓待添取杏林春色歸去濟蒼生

郡齋雪夜寫懷

貪戀

君恩擔閣了十年歸夢都緣他燕寢香清圍腰金重
江上芙蓉甘自老日邊紅杏從人種到春來何處寫
新愁頻呵凍 治官書文月俸酒三杯琴一弄咲平

生酷似白頭供奉老眼摩挲天所縱年來常與溪山
共報門前五馬正嘶寒催耕動

屈指韶華已過了上元時節厭見他鷺外梅邊冷烟
濕雪燕子樓臺春意淺彩雲庭院歌聲歇到黃昏獨
自倚闌干空愁絕 門半掩香頰蕤漫減情誰與說
盼鄉園夢繞吳門花月五十年來心似水三千里外
身如葉問先生官況近如何同鳩拙

途中風雨淒然兼灘水險悍舟行甚帶撥悶
偶書寄時暘少參

病骨稜稜比江上青山更瘦况歸途雨苦風酸布衾

寒透空江水落灘聲溜江頭白日雷霆吼奈窮愁千
種撥難開眉峰皺強開懷斟濁酒嘆浮生俱是繆
雪蕭蕭兩鬢非舊得歸莫待功名就秋風無却南山
荳渺鄉園迢迢隔吳門頻搔首

五峯遺稿卷之十四

記

新創南城縣預備倉記

上即位之二十年海內無事民物豐熾天道惡盈咎
徵繁之是年夏秋陝右山西河南北皆大旱種不入
土環數千里內民飢相食壯者流徙斃踣道路不可
殫數守臣走驛馬告飢

聖心靡寧遣使賫御府金帛及割東南上供米動數
十萬往賑恤之冠蓋相望間又咨詢在廷求所以
禦災之術於是大臣交章言漢用耿壽昌議置常平

義倉歛之於豐稔之秋散之於荒歉之日此萬世不
易良法我國家尤重此舉而冗官惰吏頑弗事事
蔑下罔上苟具文書甚非所以禦災惠重民命之意
請下有司督察徇名責實庶臻成

制曰可遂下御史臺督畿內并在
府小大諸臣罔不慄慄奉行而建昌實隸江右統邑
有四惟南城為最鉅生寡食衆而備荒之策尚有愧
焉矧在城舊無倉基率寄困於府軍儲倉之左卑陋
狹隘非永久計變以成化壬寅待罪是邦嘗有志興
創未果至是懼無以稱上德意則詢謀於同官西蜀

曹君文瑞河間傅君廷用姑蘓陳君一元暨邑令
潘又上其事於巡守藩臬重臣咸是其議乃悉出庫
藏見貨易穀於邑之巨室得穀之以石計者餘三萬
視舊儲在倉者加三之一焉復卜地於城東學宮之
旁宅高面陽清明曠夷於倉之址為宜遂定方位商
功力集材鳩工建是崇構帑出於官一不煩民懼騷
擾也又擇才幹大姪若閻信祖輩董其事晨作暮輟
不亟不徐經始於四月己巳越八月戊申訖工凡為
屋總若干楹高墉巍巍邃宇靚深既固既堅以克永
年而南城之倉遂甲於他處落成之日米穀雲集千

夫荷擔我倉斯盈於是鄉民老弱縱觀咸咨嗟太息
感

皇上所以安養元元之意且請為文勒石以示久遠
變惟天災流行古所不免惟上智之君能消變於未
萌圖患於將然廣儲蓄節財用以備不時之需故雖
不幸而有水旱之災而民皆含哺自若如堯湯之世
是已後世之君不知務此惟厲民自養至於賦間架
陌錢入於璫林大盈而視民間之有無則漫不加意
卒之變生肘腋為天下笑今

皇仁如天因一方之虞遂憂及天下惴惴焉惟民食

是慮是圖若拯溺救焚之急實宗社無疆之福祈天永命端在於茲而斯倉之建乃其兆歟雖然天下之事久則玩玩則弛然則繼此而往所以時察屢省而務臻養民實效者又在吾儕之所當共勉不然苟其文書以為塞責計則豈惟有負於今日聖天子之休命抑亦貽曠官之羞

無錫縣重脩廳事記

監田榮侯來治于錫之又明年弘治二年也凶彊怙柔訕發舒藏奸宿蠹患除悉耨政化既行乃謀新其所居之堂脩廢政也按誌錫山舊陞為州其堂宇元

至元初知州董守思所建後州廢為縣而寢以傾圯
吏不時葺馴至大壞侯至是顧瞻歎曰惟茲堂之設
余所以制百里之政以休

天子人民者在是即廢不治何以敦本立教 朝廷
政令何所安奉一二僚友何所視事按牘簿書何所
棲列鄉遂之老田野之氓何所聽命其繫不輕而重
若此予何敢不夙夜敬共以圖新厥規詢謀既同則
上事于郡及巡撫都御史三山王公監察御史稷山
史公僉宜之乃計工程材撤舊為新經營布置咸以
法故始事於是歲二月辛未越四月既望訖功門闥

耽耽堂室渠渠宏規傑制稱是巨邑先是侯旣作水
門脩津梁飾厨傳至是又新其堂於是邦人莫不喜
悅僉謂侯下車不二載百度一新其所以嘉惠吾民
之意至深且厚不可無文以示來葉則相率詣侯以
請侯謬以屬夔夔邦氓也不敢辭惟國家一日不可
以無治民之吏而吏不可以一日無署事之所則斯
堂之廢侯興而復之固宜其賢於世之受直怠事
者遠矣雖然侯之心苟於侈大其居以榮一時誇
一方哉蓋將整容服於斯聚精神於斯布德行惠於
斯故觀輪奐之美則思田野之民得無有顛連而不

得其所者乎處堂陞之尊則思幽隱之情得無有壅
蔽而不達於其上者乎惟清惟慎切與民休息如古
之所謂彈琴而治者則是堂之成非徒觀示一邑而
已將使吾民去煩勞而即安恬者必自茲始故樂為
之記遂志諸石以為後之為令者楷法侯名華字躬
實登辛丑王華榜進士云

重建張忠定公祠堂記

余少時嘗讀宋名臣傳至張詠率崇陽勸民拔茶種
桑事歎曰先生之智乃能燭事幾於未著之先而民
卒蒙其利惠莫大焉崇民當百世祀之可也然而卒

未能考竟其事或化癸巳余適承乏鄂郡而崇為屬
邑間因勸農至其地曰慕先生之高風將訪先生之
故祠而弔焉詢諸父老云邑西之高亭廢地名北峯
先生為令時嘗登此以相地利引白泉之水以灌民
疇先生去民思之即其地建祠以祀今廢已久歲時
村民往往操豚蹄壺觴而野祭之曰指示其處惟涼
烟白草樵夫牧叟鄉躅其上嗚呼昔先生為尹視崇
民如子而民亦戴之如親父母百世之下焉知其魂
魄不眷眷於榮也顧使其荒祠為墟而祀事不續將
亦為政者之過歟曰圖所以規復之未幾西蜀劉信

以名進士來尹是邦遂以其事付之而信亦有志於
為政者乃取材於山陶甓於野循故址建祠高明爽
塏真足以妥靈揭虔落成之日民有歌於道者曰我
有桑桑公實植之我有良田公實灌之公祠之廢我
心孔悲今祠已復實慰我思遂相率祭於祠下余聞
之曰仁政之得民如此先生去今餘四百載中間嗣
其位者不知幾何人而皆受代即去如去逆旅之舍
於人心漫無所繫獨先生之清風高節耿耿在人耳
目其來也民休其去也民思念久而愈不忘何也豈
非以其為官同而仁暴之政殊也仁則附暴則離其

事間不容髮然則先生養民之功固在人心初不在於祠之建不建也雖然祠先生非獨為先生抑亦為後之為政者勸譬諸慕壯士而懸千金之賞有激之道焉後之仕是邦者果能因此興起而收名於竹帛之間則茲堂之建亦未必為無補祠成未有記書此以貽劉信俾勒石以記歲月若夫先生之功業文章載在史冊茲可略云

竹逸記

荆溪蔣君克貴詩禮舊族也色清而氣夷行高而志潔隱居銅官之陽閉門養恬視天下之物舉不足以

動其心願獨好竹繞舍種竹萬挺森然若端人正士
環拱列峙清氣逼人可愛也君披鶴氅衣曳綠玉杖
與一二知己日哦其間每清風徐來竹琅然奏金石
而君亦擊節高歌和之若與竹神交默契於不言之
表豁然自得也恒曰使我齷齪偶俗人語敦若對此
君一咲以豁吾襟抱哉目以竹逸自號余未獲識君
而吾姪金寶主君之家塾間嘗將君之意來徵文記
之余唯古之君子其嗜好不同尚矣然考其風聲氣
節嘗與所好之物相似而不相遠若陶之於菊逋之
於梅屈平之於蘭是也使三君子者平昔之德之操

少有愧於前之諸物則必不能知而好之雖好之亦
必不能見稱於天下後世之卓卓如此今君抱高世
之志懷絕俗之操清而不汙直而不撓其真有竹之
操哉有竹之操則謂之竹可也謂之竹逸亦可也吾
見他日清風高節將與淵明和靖諸君子同傳而並
稱也必矣同傳不傳固不暇語然余聞昔時有所謂
蔣詡者嘗開三徑種竹日與羊仲裘仲二子遊其間
清風至於今不泯君豈其子孫乎不知朝夕復有如
羊仲裘仲者與之遊否乎金行矣見東屏蔣君幸為
我問之遂記

復竹茶爐記

爐以竹為之崇儉素也於山房為宜合爐之具其數有六為瓶之似彌明石鼎者一為茗椀者四皆陶器也方而為茶格者一截斑竹管為之乃洪武間惠山寺聽松庵真公舊物爐之制圓上而方下織竹為郭築土為質土甚堅密爪之鏗然作金石聲而其中歛焉以虛類謙有德者鎔鐵為柵橫截下上以節宣氣候制度絕巧相傳以為真公手跡余獨疑此非良工師不能為鄉先達中書舍人王公嘗有詩咏之學士耐軒王公復作引弁其首以是爐之名益傳於人人

永樂中真公示寂爐亦淪落人間獨諸公翰墨粲然
尚存落落與松雲蘿月為伍成化丙申冬余歸自鄂
渚暇日假榻庵中真公嗣孫曰戒宏者出以示余因
誦王舍人所作氣蒸陽羨三春雨聲帶湘江兩岸秋
之句嘆其佳絕且惜其空言無徵圖欲復之乃目釋
氏教述䟽語一通畧戒宏徧訪焉已而果得於城中
右族爐無恙持茗碗失去不存或疑爐細物也復不
復不足為世輕重殊不知物不自顯必因人而後顯
使爐不經諸公品題雖復之累百何補況諸公之作
亦將藉是以傳爐可泯諸公之言可從之使泯乎爐

之亡不知的於何年姑記其槩收爐者故詩人楊孟
賢復而歸之者其仲孟故云

碑陰記

贈承德郎工部主事敏齋莫公與其配安人既蒙
恩贈官又明年其子驄始克親捧綸音告於墓下非
敢緩也蓋有待也先是驄以詩經登甲辰進士拜尚
書工部都水主事歲已亥以三載績蒙

天子推恩贈公如其官配費氏為安人 命下而驄
適改兵部職方主事明年奉 勅選兵山東南直隸
等處使節驅馳幾兩閱寒暑南望龍山如在天上雖

欲一歸焚黃先隴邈不可得私情徒耿耿也廼今年
五月事竣便道南還而公之贈典適至自京師
龍章五色光動閭里驄不勝欣忭既此向謝恩將於
泮有事墓下先一夕齋沐膳黃至日詰旦朝服導引
出西門外時親戚賓客會者數百人道路觀者莫不
嘖嘖歎賞午刻抵墓所開讀奠拜如儀既而向塚伏
哭盡哀焚黃畢驄仰惟

聖謨洋洋所以褒顯我存歿者恩同天地不可不尊
崇侈大以昭示來葉使子孫知所感激圖報於是勒
之穹碑植於墓道覆以亭宇圍以闌楯金碧交煥山

川增輝吁亦盛矣哉故事碑陰宜有記驄間以囑余
余唯天地間屈伸之理常相目而不相背故屈於此
則伸於彼其勢然也莫氏自上世南塘翁以來代有
令人至敏齋之生益秀而奇長身美髯望之如瓊枝
玉樹性俊爽懷奇負氣世方仰其以功名事業大顯
於時而卒齟齬窮壽止三十一而卒其屈也甚大是
宜天啟其後使之受報施功於今日夫豈偶然之故
哉雖然驄方以清才雅望見重於時異日建勲立業

登庸 廟朝

九重花誥又將不日而降此特其兆耳夔竊嘗納交

於公喜其屈之久而伸之大也於是手書

松風閣記

凡屋於山必重簷峻楹高踣冥漠迫凌清虛庶可以
納遐景招遠風此勢所宜然否則卑鄙弗稱去惠山
之西一里許有庵曰聽松據九龍之腹山谷靚深人
跡罕至洪武間高僧真性海居之凡朝之縉紳與夫
幽人韻士來遊錫山來嘗不觴于斯憇于斯歌咏于
斯然蓬屋甕牖背山而廬可以栖霞卧雲難語夫高
明爽愷游者或病焉戊戌秋余嘗假宿於庵庵之後
有岡翼然間與主僧宏上人登焉方凝神莽蒼間俄

一風西來孤響泠泠若龍吟谷中顧問左右安所得
此乎上人戚然曰此松風也岡之西舊有松萬株每
風起岩谷間輒洶洶作秋濤出峽聲吾祖真公聞而
樂之嘗欲闢于斯未幾示寂而松亦旋剪為新今獨
餘三數株在為指示之皆蒼髯垂胡若元夫巨儒拱
揖岩畔余曰自計登茲岡者多矣皆莫克聞此而達
使余聽之豈真公在天之靈將托余以贊斯閣之成
哉況重簷峻楹於山之道宜然乃為相度形勢經理
財用凡我同志咸樂補助而經營幹蠱上人實任其
勞不數月厥功告成危欄支空廣霤承蔭易卑為高

去與即明高霞低映遠山來朝而松風亦時時作金石奏清泠激揚可以蠲忿滌煩所謂納遐景招遠風者豈在是矣余間登而樂之嘉上人之克追先志且自慶異時宦游而歸將往來于茲烹茶聽松以終吾老也遂書以識俾後之登斯閣者有所攷

觀瀑亭記

當麻姑絕頂有泉自丹霞觀西北來蛇行斗折伏流篁竹間數十里經仙壇下與神功泉會其流瀾瀾不疾不徐至三峽橋厓谷忽破裂其下亂石森立泉自上墮坑谷中下與石鬬不勝怒則洶湧作秋濤出峽

聲奔放衝突不數百步至石梁忽作兩白龍下垂飛
雪洒洒濺人其聲清越而天風引之乍高乍細若士
女裂帛明珠落盤又若鐵騎突出而刀鎗戛擊響振
林谷誠山中之一偉觀也成化辛丑余承乏是邦又
明年適禋祀麻姑始獲觀是泉而愛焉曰命道士曰
洞淵者作亭其旁扁曰觀瀑或謂予曰子身為二千
石蒞旰宵數月教逆來宣澤壅不流不思握髮吐哺
以盡厥職而惟瀑是觀殆非政之所宜予曰不然子
之所謂非宜乃予之所謂宜者也予素憤憤昧於臨
民之術曩自尚書庫部郎中出守武昌當西南劇郡

不勝簿書期會之勞兀兀窮晝夜不息而氣煩志亂
政愈以癰予懼夫志之煩而政之癰也則施施焉登
樊山臨夏口眺大江之流以盪滌其胸臆既而洒然
而歸若醉而醒病而蘇壅者以決滯者以通而於政
或庶幾焉今盱為江右僻郡其政之繁減武昌之三
之二而茲瀑之勝又有足觀者清而不汙直而不撓
體柔而用剛可以激貪起懦類皆有益於吾之政夫
所臨者既簡而所觀者益勝則茲瀑者真攻予病之
萬金良劑庸可廢觀乎哉或人唯而退遂書以為觀

瀑亭記

建昌府新建鼓角樓記

古郡守專城而居體如大邦而其治事之外必崇飾樓觀以棲鼓角所以嚴外內聳觀瞻時昏曉其制由來遠矣建昌當閩廣要衝境大物阜其郡治在鳳凰山之陽中卑外崇四圍山脉隱起若案若屏而郡治帖帖卧其下且門觀未設昏曉之間鍾鼓弗聞歲時入

天子之命與夫出令行化朝夕交通吏民弊在簡陋弗中度程成化壬寅予承乏是邦又明年癸卯屬歲有壯民用弗饑乃圖新厥規謀之同官謀之邦人咸

以為宜又上其事於分巡憲臣則又曰茲惟汝職其
務弘厥規毋踵故常內外既從遂相方擇時取木於
山陶甕於野取工於在官之傭不裒財不急功懼煩
民也凡四閱月告成高牙挿空飛檻倚雲壯不及僭
器不敢奢落成之日地若增而高山若增而秀回視
向之若案若屏者皆在我履舄之下矣於是承詔出
令各稱所宜而風晨月夕伐鼓鳴角恍若自天而下
情者警奸者革凡我吏民與夫四方來遊之良得以
易其聽觀莫不喜悅僉謂禮有所隆不得而殺政有
當舉不得而廢今茲樓之談實惟稽禮起廢宜勸之

金石以示久遠予愧乎其言然不可無文以記歲月
遂書此以告來者樓凡六楹高三十尺廣倍之深如
高之數始事於夏四月甲子至秋七月戊辰卒功贊
其事者別駕西蜀謝君人傑通判四明竺君正蒙推
官姑蘇陳君一元而督役者則經歷鄭純也

五峯遺稿卷之十五

序

浦鳴吉和唐詩序

歲辛丑余歸自武昌鄉友浦君鳴吉袖一編過余言曰山林日長無以寓情竊不自揆量閒取唐人所為詩歌追和一二以寄傲於兼閒寂寞之濱雖不免學步邯鄲之誚倘緣是得策名鵷壇庶浮生不隨幻影俱滅可盡為一言序首簡余壯其言敬受而讀之詩總若干篇諸體悉備皆祖唐人若某人相諸大家之韻與意而賡之長篇紆徐短章激烈約而為近體放

而為歌行抑揚操縱千態萬狀若江河之行湖海之漫或為驚濤巨浪之壯或為平波湧流之閒一窪之盈一曲之勝其所寫不相似而各有可觀者焉亦奇矣夫文章人言之精華而詩又文之精者作詩固難而賡詩尤難賡今人之詩固難而賡古人之詩為尤難蓋詩莫盛於唐歷三百年間作者不一其體製音律之盛獨取前數十家當其觸物感興和墨濡翰以自悅於煙雲花月之間欣嘆悲適各得其趣作者自以為超群絕塵之態君乃能不出戶閨追想其情其景一一模寫若與唐之諸人酬答於千載之上斯亦

難矣君學博才膽平生於世事不屑為獨好作詩其
幽深玄遠逼李長吉世之作者往往訾其迂而獨余
好之若此篇者豈多得哉他日信必有傳而傳不傳
不必也孟軻氏云以友天下之善士為未足又尚論
古之人誦其詩讀其書夫不以古人為不可及欲求
與之匹休一非豪傑之士不能且唐人之詩騷壇中
之規矩準繩學詩者不法唐人而尚誰法君之志亦
可尚已君名鼎字鳴吉別號小山云

恥庵陳公挽詩序

士於平時或一善可錄其沒也必形諸聲嗟氣嘆曰

其賢而可惜則又必曰賢而弗壽其命矣夫斯蓋發
於秉彝好德之良心有所弗能自己者況大君子負
卓越之才抱經濟之學樹非常之勲業其生也有所
繫其死也有所思則其不幸而人之哀之也尤宜昔
田橫死韓昌黎哀之張曲江李北海諸公死杜少陵
哀之而少陵之詞愈益切至蓋少陵當時為朝廷
哀為天下哀哀而不失其正哀之善者也則吾大方
伯恥庵陳公之沒君子之哀之也詎庸已乎公諱煒
字文耀福之閩縣人以春秋世其家學考綱齋翁與
叔父毅齋先生皆相繼為御史著聲先朝至公又

爲河朔道監察御史有識鑒名能文章忠信明決雖
不務鷹鷂搏擊以樹聲威然於權奸柄臣則攻擊弗
遺餘力嘗按兩畿至今人稱爲真御史名聲出唐溫
造上遠甚及來江右揚歷藩臬餘十年尤盡厥職其
陽舒陰慘隨時張弛勸憲度以懾奸豪鋪大和以惠
鰥嫠輶車所至民物皆勃然吐氣事已具張太史小
傳自公之補外也 朝野日望起公柄用謂公居藩
服則惠專於一方在政府則澤溥於天下然齟齬久
之至是竟抱疾以卒卒之數日浙藩之命亦下人咸
謂天果無意於公昌其才而嗇其施使其不得大展

以死可哀也已是在位與夫窮鄉僻巷之士莫
不交相弔哭曰哲人逝矣如蒼生何莫不咸為詩歌
以寄其哀長篇短章其詞婉其情切非以哀公亦以
為今日蒼生哀與昌黎少陵之作蓋前後一轍宜得
夫性情之正者詩自今大方伯王公以下總若干篇
既成公之子某裝為一帙欲以傳後且以同年張太
史命來俾余一言序諸後余忝與公同登庚辰進士
辱公愛厚且屬吏也不敢以不文辭遂書此以相諸
公之哀亦以寓已哀之意云

泉亭清會詩序

惠山之勝以泉而覆泉有亭窈窕臨壑清冷含風可
以觸忿滌煩亦人世之清境故凡四方賢豪歷東南
而道錫山未嘗不憩息於斯仰而看山俯而聽泉以
適其趣歲己亥八月尚書禮部員外郎吳門張企鵠
將上京師便道弭節來觀而邑大夫雲礪龔君實
領客以從置酒三賢祠下時林風薦涼秋氣在亭遙
望西山老翠鬱然浮空時時飛墮杯酒而竹間流泉
自龍吻落池亦琮琤作金石聲若張九奏於空山冷
泠清徹孤聽酒半客有起而執爵言者曰昔唐尚書
郎張謂出使夏口時隴西李白實餞之沔州南湖搗

芳辭於漢濱流逸響於江浦其高風偉跡至今與大
別山俱存今吾儕之賢雖非謫仙而情境適合泉亭
之勝甲於南湖而張公之賢不減於謂苟詩歌不傳
得無貽林壑羞況唐之中葉戎馬交馳而太白諸賢
同為江漢旅人其風波震蕩之虞固不能忘情於杯
酒會晤間方今

聖朝海宇寧謐邊塵不飛雖山中一泉一石亦免震
驚之患而張公以含香握蘭之秀又適來共此清賞
歌白雲之什賦秋蘭之辭斯其時也諸公其果能忘
情於此乎於是九龍山樵陸君命筆寫泉亭清會圖

衆客各賦一詩以記翼日推余為序

壽丁公八十序

龍峯西望不一里許為雙溪之許林木蒼蒼居民咸
市中有避世之翁二皆蒼顏華髮曰丁翁者年八十
而周翁視丁加長焉兩翁家世為隣相得驩甚會冲
保和遺外聲利類上世之有道德者性雅愛山水巾
履消搖無日不在松風水石間興至輒吹竹彈絲為
樂尤善談玄理有晉宋人風致凡錫之大夫士有大
燕享必延致二翁以為席珍否則落落無況味故二
翁之名遍吳下余自幼而居鄉嘗候拜二翁牀下時

髮已蒼蒼迨壯而宦游間歲一歸覲二翁丰儀與曩
拜於牀下時不少異計余歸屢矣其體益強顏益壯
今年秋辱丁翁訪家君於寶忠堂中張燈小宴翁歷
談鄉先達倪王諸公出履炳炳若前日事及其佳章
尺牘無不篇傳句誦不少遺尤時時作俳諧語以資
譔笑時夜漏下已二十刻顧執燭童子已疲而翁略
無倦容余悚息拱聽益知翁精爽不衰以為真神仙
中人也夫自三代以降淳朴氣散而入鮮壽故世稱
七千古稀而壽至於八十者一鄉一里有一人焉以
為至異今雙溪之游居民不盈數十顧三翁同時挺

生其間文采燦然如雙鯉照耀並產於藍田之阿不
尤至異者乎史稱蜀青城山有老人村溪多枸杞根
人飲其水故壽豈雙溪之濱亦有所謂枸杞或丹砂
空青之物產於其陽而致是歟抑天將表國家靈長
之運使黃髮之老婆寓縣間以為今日太平無疆
之瑞歟且醴泉芝草麒麟鳳凰人皆知以為瑞物而
不知盛德高年之老尤為入中之瑞故伯夷太公瑞
於周黃公綺里之流瑞於漢而鳳麟芝草不與焉今
聖天子仁育萬民重熙累洽之化追周軼漢天必將
以二翁為今日東南之瑞無疑矣安車蒲輪將不日

下照雲谷尚當拭目以俟歲十二月某日属丁翁初
度凡與交往者皆有詩贈之而惟余為序故脩言天
之所以壽翁者為翁壽且併以壽周翁云

贈邑掌教金君較文陝右序

庚子秋歲當大比故事各布政司先期戒書幣延請
師儒以司文柄禮也我縣博四明金君以儒林巨匠
久馳聲方岳間至是藩臬巨公交相禮聘爭欲出我
省下然而陝右之幣先焉時左方伯我氷壑先生實
主其事君受聘之餘將道潼關趨函谷以達乎咸秦
告行於素所還往於是雪溪盛君以方伯介弟合騷

壇之士賦詩以華其行且微言序首簡余不文曷足
以為君贈惟士君子學為人師又起而膺厚聘典文
衡固將佐

天子求才以為致理之具也然得才非難以得天下
之真才為難天下非果無真才惟患無良有司以識
拔之耳惟真才常有而良有司不常有以是恒苦於
不遇夫冀北之野有馬焉一日可致千里人不知其
能千里也衆秣而群牧之故卒駢死於槽櫪之間以
是知今之士負英才而駢伏於田野者多矣今君以
該博之學往當文衡之任精之以鑒識工之以文辭

黜華尚朴隱然有激頽波而揚清芬之意如此不謂之良有司不可也有司之良其諸士子之幸也夫吾聞關中古多奇士終南渭水之陽業詩書而懷道德者雲集霧擁君三進而三試之登其良拔其尤升之春官薦之

大廷毋俾騰霄逸足終擯棄於驥北之野則豈惟無負伯公之薦抑亦無負

聖朝今日求賢之意矣是為序若夫經涉山河顧瞻天府觀周鼎之所基常秦灰於既冷則又君之餘事也茲可略云

贈行義先生復任序

族兄行義先生頃自信州司稅歸適余亦以先恭人
艱返自鄂渚獲遂連牀之約余尚記少時與先生同
習舉子業時先生英氣勃勃挾其所有與諸士子角
藝秋闈視科第若不足取一辱泥塗迄今餘二十年
始獲霑一命又官卑祿薄不足以償其所負稍意其
不能無馮唐顏驁之嘆及相見覩其顏充然聆其言
溫然方抵掌論詩及劇談途之所遭風景若西湖花
月桐江釣臺歷歷如在目前且自慶得納交於信之
鄉賢大夫一一為指數皆有道德知名當世者若致

政縣博妻公克貞都憲高公上達輩四三人曰吾無
事時幸從諸公遊獲聞仁義道德之言而吾之忝竊
實多矣略無幾微窮戚之意見於顏面余始若未信
以為先生素豪岸負氣豈故為是以誇人哉既而先
生持牒詣京師遇盜燕冀之郊困益甚人為不堪
先生弛然而歸貌益和氣益平人問之則曰吾命若
斯薄不屑意余然後知先生之真有所養非復少時
之比矣得利則躍躍而喜失利則戚戚以悲者人情
同然也而先生處難若夷其於悲辭無聊之思拒而
不畜於懷也沛而若春冰之釋飄飄乎若雲翳空而

風掣之此豈無得而然哉蓋困窮憂患乃吾進德之
機孟軻氏云人之有德慧術智者恒存乎疚疾向使
先生屈不以困不極則其少時氣習能盡去之如今
日否耶況否與泰相回當窮陰沍寒六陰已極而陽
氣之發育者實基於此又焉知先生之屈不為異日
之伸乎吾見山公早晚將騰剡矣先生復任有日子
喜其德之有成而知其道之將行也僭書此為行色
贈工於詩者歌以繫之

牡丹百咏詩序

牡丹百咏詩乃鄉友管窺吳君鵬舉所作也詩累百

篇皆清奇婉麗且句異而篇不同蓋祖夫近世梅花
百咏之作而用韻亦奇矣哉或謂牡丹之富貴者先
生清隱絕倫其幽貞靜閑之趣宜求夫物之比德者
而致其意願瑣瑣焉於牡丹是韻得夫厭常豈華於
素寢或有乖矣余曰不然詩之作有興焉有刺焉皆
托物寓意非特泥諸陳迹而已苟徒泥其迹而不求
其立言之旨豈三百篇意哉夫自李唐騷人墨客以
牡丹擬諸妖姬而其名始見重於人人當洛陽全盛
時豪家巨族皆家種而戶植之方春花開車馬宴遊
咳唾萬金驕奢之俗頽然風靡雖洛陽相君以忠孝

傳家尚不免於姚黃魏紫之進其詩嘗有驪山色裡
三郎醉天寶年中四海塵等句蓋寓夫刺也諷刺之
不足而感慨繫焉則又曰千金難買無雙艷百歲相
看有幾人又曰對酒不辭今日醉看花已少去年人
是不專於咏牡丹之妖艷也夫於一花之咏興刺
焉其殆工於立言者歟與世之謾作者異矣君間以
示余且徵言序之余恐讀是編者不求其旨而徒泥
其迹故為揭而出之以俟識者觀焉

竹石軒石刻後序

儒之術業詩書操鉛槧為生而其効至大以近之

可以潤身遠之足以裕後而其波餘尚足以淑諸人
人與世之脂韋汨沒其豪華富貴飄若煙雲過目者
不可同日而語然惟有道之士能擇而專之若吾鄉
先生竹石陸君其人是已方先生幼時無一塵之土
惟攻苦業儒尤銳意古人書法書初學趙松雪晚益
變化旁出小楷逼歐陽率更李北海行草出入羲獻
父子間其篆隸尤高古渾然漢意世方尚米蔡蘊黃
書務出奇恠以相誇耀類刻鵠者而先生獨守晉唐
人規而體韻自佳其評品已具劉太史書史補遺以
是聲稱赫然環澍水東西言能書者必曰先生而先

生之名自外達之京師凡東南雄都傑閣之扁與夫
當代名公金石刻文以必得先生手跡為工至不遠
千里走書幣來請即先生弗書雖文如燕許弗足見
重其所以潤諸身者已充然有餘矣間又以硯耕則
紛顧無厚業以遺子孫曰人皆土畊吾獨以硯耕則
盡取平生諸名公贈言若序記詩歌自大司馬程公
以下若干篇購西山貞石書之期以為異日子孫臨
池之助而澄江朱維吉荆溪張廷振輩又皆捐貲助
為勒石而相其事者則予族弟廷範也書兼諸家體
皆刻意不苟自國初解大紳胡光大之後蓋不多

見其用心亦勞矣雖然文章翰墨乃公天下之器其
信美而必傳於世也有若火之然而泉之達夫孰能
禦之斯刺也吾見後之有志於書者將共寶之獨先
生之子孫云乎哉所謂潤諸身裕諸後而淑諸人人
者端在茲矣刺成先生名之曰竹石軒石刻間徵言
識之故不辭而僭書其後先生名勉字懋成竹石其
號也又稱九龍山樵博古能詩尤工生紙畫其山水
逼倪雲林王友石戲筆師近世張外史復陽書持其
一事云

送佟令君膺召赴京詩序

己亥歲十月朝命下常郡起吾修侯將入補內臺為
天子耳目臣先是侯以三載滿考將報政京師民恐
侯之遂去不獲終惠也已不勝哀思作為歌詩流於
道路時春坊左諭德新安程公適過而聞焉為作條
令君行美之既而今

命適下民則大戚曰朝廷果奪吾賢侯矣吾則冀望
咸嗟咨涕洟若赤子去慈母然余間曰曉以

聖天子簡拔賢能之意及道修侯去此將入為內臣
侯雖去後必有賢而繼侯為政者民則愈悲曰子何
厚誣我哉吾犬馬齒已長自吾目之所見令之愛乎

民者前數十年有永嘉項公繼項而下有遼陽李公
與侯耳可嘗得哉且吾邑當東南要衝役重賦繁異
時長吏不吾恤也旦旦而徵之歲瘡吾廬之入不足
以當其輸豪惡里胥執公牒日叫噪於門雖鷄犬不
得寧焉自佟侯之蒞吾邑誠以愛民公稅之外一毫
不妄徵欲晨起視事兀兀坐堂上不少休日食飯一
盂韭一盤糾察幽隱庭空無人聲民是以蘇凡我父
子寧而生殖繁者秋毫皆侯之力吾懼去是而恤我
者寡矣言息泣余聞之則亦以悲嗚呼仁政之得民
心有如是夫雖然天之生才將以用世如侯之賢方

將義冠立朝以大顯其道如古人所謂臺閣生風者
可終使專其惠而不一展用哉況

皇上憂民如灼進修侯者非為修侯亦以激厲在位
蓋能者徵則不能者勸吾見繼此將必有夙夜以仁
乎民者民之蘇也有曰矣於是縣博衡陽謝公輩咸
推廣其意作續修令君行以贈而命余為序

泉亭酌別詩序

考功為東曹要職合內外群吏計階上天官必先下
考功課其賤取自外之藩泉牧守以下考功皆廷試
之藩臬位雖尊試之日恂恂就庭濡筆占位吐所欲

言進退惟謹毋敢當賓客禮試竟以其所敷之言并
考其治行高下達於天官卿以觀其能與否黜其幽
者以陟其賢且能者天官卿

天子大臣不煩以細事其諸所施為一委之考功職
重而務殷故世之論仕宦要途以考功為稱首士之
得膺是選亦榮矣哉雖然職重則難稱務殷則易望
况知人堯舜所難今之列庶官而居有位者豈無儒
名而躋行飭貌以矯情者乎欲使涇渭自分玉石有
辨斯則考功之職亦難為也已今之稱以考功則有
吾邑陳君其人焉君以清才雅望初任司勲主事滿

三載以能轉考功副郎陞今職廉謹明決為外內所
推重前年

天子會朝大課群吏章奏填委君纓紫決可否如坂
走丸而河下流其相天官卿黜陟賢否若披砂揀金
菑田而去其稂莠也不以職拘不以務壅恢恢乎有
餘地且上焉秉銓軸者有今之太保尹公如泰山巍
巍乎在上其賢足以庸夫君而君之才又足以副太
保公委任有考功之榮而無其難為者吾信於君見
之先是君歸壽母太宜人於鄉稱觴之暇將復覲京
師於是鄉之大夫士惜其去相率餞之於二泉亭上

酒半各賦詩為贈屬余序首簡余吏於外者嘗辱君之考知君之事甚詳且樂其功業有成也於是乎言

錫山誌序

邑有志所以志一邑之事也凡古今建置沿革與夫山川道里人物風土事之變故無細大美惡皆據其實而書之故謂之志志也者一邑之實錄也然其事雖循故實而其文則史於是乎有去取有予奪有抑揚勸戒之義嗚呼志豈易作哉非志之難作志者之難其人也無錫為東南文獻巨邦舊有二志前志勝國時鞏昌王仁輔所編至我朝景泰間鄉先輩馮驥

賢又續爲之然識者謂前志失之拘續志失之駁
與拘皆不足以信今傳遠况遭逢

聖代隆平日久中間生齒之繁創置之廣科目人才
之盛視昔相去什百則所以增益而釐正之者不有
賴於後之君子哉然遲遲數十年來迄莫有能爲之
者弘治初元邑儒藻庵吳鳳翔綱庵李舜明兩先生
始起而奮曰此非吾儒分內事耶則相與共謀爲之
藻庵力學好古博極群書凡所以衆互考訂博采旁
求而著述之實有以身任其責至裁正而折衷之則
綱庵居多焉本之以郡乘參之以史籍大致雖仍其

舊而立義著例則斷以己意取道德蓋功利表山林
之高尚黜宦績之卑汙名雖志實則史也夫昔鄭國
辭命更禪謚世叔諸賢之手而孔子亟稱其美今是
志之作以兩先生雄力相當協謀而共為之是宜其
卓卓可稱也已後之作國志者欲考吾邑之事其尚
徵於斯哉志成其鏤梓之費一出鄉同志鄰佑之佑
之讀書尚義平生多奇節偉行此特其一事云

送朱朝用還姑蘇詩序

東南有奇士曰朱朝用氏言似浮而覈行似愿而堅
廣交遊慎許可凡吳下士皆與之還往尤喜為詩歌

高躋清冷卑入纖穠險恠莫則一時名公若武功伯
天全翁徐公憲僉完庵劉公莫不虛已延接待為揖
客時時作與詞章又牘叢滿壁間紛披若琳琅下垂
照耀一室晨夕諷誦以自娛樂暇日輒携客登姑蘇
臺尋夫差陳跡浩歌弔古悲壯激烈或曰蘇趙多悲
歌感慨之士朝用近之余曰不然朝用清狂善歌謔
為士林之秀非燕趙之士比其末俞清老之流歟孟
冬十月自吳門挈舟訪余於龍峯草堂命酒圍爐曰
與譏評古今人物賢否得失高談劇辨浩浩乎不窮
鑿鑿乎咸得其實座客皆傾聽噤不敢吐一談酒酣

復歌今入詩數首吳音嫋嫋聆之亶亶忘倦歌竟即
買舟東還時天寒木落太湖揚波置酒燕餞於惠泉
之上離觴既傾高興頓作群從兄弟雖非惠連皆獲
從操觚之列摘詞繪圖用寫別懷余忝導席序冠其
首

惠泉酌別詩序

藍田榮侯以名進士來尹余邑之明年夏其弟躬約
不遠數千里將母夫人之命來視侯於官舍躬約年
少美丰儀鵠峙鸞停夔出塵表而性尤淳謹事侯如
事嚴君始至載拜問起居畢則傳母夫人之訓辭若

曰凡為人牧宜以子民為先尚用乃心以毋負所學
侯受命惟謹又明日肅衣冠出與邑大夫相見恂恂
舉無違禮邑大夫皆賢之曰真吾侯之弟也未幾告
侯將歸留之不可曰此官舍可久處耶求去益力於
是邑大夫相與載酒肴出餞於城西惠泉亭上酒半
鄉友余君成之首倡為詩繼而作者若干人金春玉
撞皆傑作也間推余一言序首簡余杜門養病不獲
一識躬約然覲於侯而信其為賢父矣夫侯以剛明
之才篤實之學將刃于此持官持身內外斬斬以初
政不可示民以緩也則先之以法制使民趨令而仁

心仁政亦未嘗不寓乎其間以是不半載帶者宣廢
者起而呻吟者易為歌謠是皆其平昔修身力學所
致知躬約於家庭日用之間得於觀感者深矣是宜
其行之卓卓不凡如此孔子曰魯無君子者斯焉取
斯信哉雖然躬約未可以此自足也茲返而室尚當
益勵爾行以侯之所以守官者守其身而侯亦以母
夫人之訓益仁吾民益勤乃政則他日留芳聲於邑
里揚美績於

天朝人亦將指而稱之曰此藍田雙壁也不亦美哉
故不辭而為之序

送談君文瑞分教桐廬詩序

上即位之六年適天下士會試京師雲南提學憲臣楊一清上言朝廷興學育才而尤重師儒之選百餘年來皆以會試乙榜舉人為之自士習不古厭薄儒冷故今之在位者多出自他途齷齪守位漫不知所以教至有橫經對諸生噤不能吐一辭者非所以端教本樹化原也宜準舊制學校師儒有缺仍於乙榜舉人內取用則斯文幸甚

制曰可於是吾友談君文瑞有分教桐廬之命文瑞質美而氣清學充而文贍自其叔祖憲僉公至於今

三世皆以明經取高第為顯官文瑞幼承家庭之
其所學所養已非一日今之往桐廬也枉其才而置
之散地意其必有不釋然於中者既而文瑞便道歸
拜家慶間往訪之察其貌充然自得畧無幾微不平
之色見於言面容有不知而為之惜者文瑞嘆曰吾
以一經起諸生不數月

天子命分教一方雖宦塗荒落然坐廣廈細氈日與
諸生談論詩書格言因得玩索舊聞亦幸矣且吾聞
古之君子仕不擇官今吾豈擇官者耶噫吾於是知
文瑞之高出於人遠甚視彼屑屑然商財賄之厚薄

計班資之崇卑者其賢不肖相去何如哉雖然今
明天子在上方貴儒而賤吏前此師儒中有兩考教
成名立者皆遷秩進階及以舊業成進士者歷歷可
數也若文瑞之所養所學去當桐廬文獻之地他日
教成入覲挾所故有與天下士角藝京師吾見圖南
之翼終當一奮天池由是魁多士服大僚駸駸躋於
顯融所謂失之東隅收之桑榆者固未晚也於其行
姑書此為贈而工於詩者歌以繫之